

內  
經  
博  
議

內經博議卷之二

新安後學羅美東逸甫著

病能部

手太陰肺藏病論

肺主氣司  
呼吸白色  
屬金性重  
氣剛居上  
以鎮諸臟  
而壓諸油  
以行大腸而  
主皮毛

肺居西方金位上應陽明燥令所以與足太陰脾同  
名太陰者以其為一身元氣之主出治節以佐君其  
位高而居華蓋之頂故為太陰又與太陰脾同行氣  
以給衆藏故因以名之其實為陽中之少陰而主秋  
令成萬物秋令清肅擊斂而肺以麗水之金生水而  
居天河之上源以沛雨露故嘗病燥與寒熱然最為  
內經博議卷之二

氣以出而  
所受者大  
陰以固陽氣  
所用太陰之陽  
以行陰物故曰  
太陰而名之有  
主理非就其  
文字面而釋  
其名為正也  
此乃正也  
言也石之

嬌重其氣恒下行致靜則下沉於腎宮而與水相通  
所謂母隱子胎也以其外應皮毛皮毛純太陽之部  
故太陽之傷風傷寒與汗出中風兼形寒飲冷皆傷  
肺見證如鼻塞聲重氣逆喘欬肩背痛噎嘔胸滿煩  
心證與太陽同又若五志之火上炎陰虛內鑠肝火  
挾心而刑金則亦傷肺其證為肺癰善痿癰吐血聲  
嘶息有音氣血掌中熱喘不休白血出皮毛焦皆傷  
火燥焦卷之症也虛則少氣不能報息耳聾嗌乾其  
治之之法傷於外者與足太陽同法其邪氣盛閉塞  
諸鬱心於足太陽瀉之傷於內者正氣衰金破傷心

於足少陰腎養之而於足太陰培之故補水培土是  
養金之善法然以金性下沉隱於子胎腎家水火而  
病亦能使肺兩症同受故有時水泛為喘壅有時水  
沸為痰而喘鳴皆以氣上逆而南水火虛實之不同  
要其治不出足太陽足少陰太陰三經之法矣

實以去其邪。

胃飲食不下。腸塞不通。邪在胃脘。在上脘則刺抑而下之。在下脘則散而去之。

此邪在胃脘而爲病也。食飲不下。腸塞不通。如邪在上脘則不能受納水穀。故當抑而下之。如邪在下脘則不能傳化精粕。故當散而去之。○沈亮宸曰。食飲不下。腸塞不通。病在上也。然下焦阻塞。則上焦亦爲之不利。蓋水穀入口。則胃實而腸虛。食下。則腸實而胃虛。如下氣閉而食不下。則胃實而上焦腸塞矣。是以經文總言其

手少陰心藏病論

心藏應天少陰君火為神明之主生之本神之居其間十二經皆拱向聽命而成以氣應之貢其精以養之故心為血之主脉之宗蓋神以氣存氣以精宅也其精常滿故能分神於四藏其氣常充故能引精於六府而腎家一氣又實為心君之尾閭內經云心舍脉其主腎也夫腎為心主故心腎水足而心火融故養心之法有二寡思慮守恬愉使心無過量之用無留根之事此養之以氣也常握固戒多欲使腎無淫佚之失無相火之妄此養之以精也若用神無方則

傷其氣傷其氣并傷其精而神歸於空飛守腎無節則傷其精傷其精遂傷其氣而水不能制火陰不能為陽宅而水氣遂至凌心是心病之始始於此也是以心氣未嘗不有餘猶失血則為不足故心之不足有餘皆係乎血之盛衰血盛則耳目聰明而神能寂照血衰則意易志耗而昏妄交集故凡火有餘之證皆為血不足而血不足之候又皆能使火不足凡心證之有餘不足者皆不得與運氣司天之火淫火鬱徒屬乎火者同候而治要在養陰凝神守精馭氣以匡救其有餘不足而已矣其內經曰心病者胸中痛

腸夫清腸下痛肩背脾間痛兩臂內痛蓋則胸腹大  
腸下與腰相引而痛者蓋心為血脉之主其神明不  
受病所病在血脉故其實其虛皆不見太歲而在血  
脈其在血脉必先以在經絡者病之其胸中痛以及  
腹腰腸之間皆手少陰手厥陰脈之所及故先病於  
本經也若當其虛則胸腹大腸下與腰相引而痛又  
緣脾胃之不上納氣腎肝之不上貢精故其病亦相  
連耳又非止經脈之故也若心經絡病者為是動則  
噎乾心痛渴而欲飲以及所生病目黃腸痛臂內  
後廉痛厥掌中熱痛此皆正經絡病也而其病又能



及心要其本末然也。嗌乾者其支脈挾咽病道心則  
心火炎故心痛火炎則陰耗而心液乾故渴而欲飲  
心部在陽明故心痛而熱及陽明則陽明亦熱故渴  
而欲飲也。目黃弱痛以下至掌中熱痛皆心脉熱逆  
也。又精氣并於心則喜驚而奪精汗出於心與憂思  
傷心者心喜勝而惡負并於心則心有餘故喜乃心  
之浮陽也。若驚者肝膽失利不能為心捍而心氣內  
洞故奪精神不守榮故汗出心之官則思思而不勝  
則憂甚而不已則神明內定甚而不止則神明內亂  
故憂思皆傷心也。

足陽明胃府病論

陽明胃土也而當相火居正之地其地又為兩陽合  
明合明者太陽少陽二部地分相合於此而明之也  
凡三焦少陽膽之所游部手心主胞絡之所總繫皆  
以與陽明為衛熱水穀之用故本經曰陽明者午也  
午為夏令之中氣而相火之本職又三陽之合氣也  
其府氣旺血多熱盛故能應夏令而主相火凡心胞  
絡之代心而主相火者其建功致用皆以陽明也仲  
景曰陽明之為病胃家實也夫胃家之實非謂大便  
之難與中下焦之燥結堅實蓋謂其府為兩陽合明

之證得病必為氣血兩實之症見正是以凡胃病之  
來其病氣無有不實而其熱甚則為狂瘡溫淫汗出  
乾口咽唇乾頸強喉連斑黃狂亂譫妄潮熱登高  
而呼棄衣而走罵詈不避親疎凡其在經在絡在府  
無不以氣實血熱顯症此仲景所謂胃家實也然亦  
有虛與寒者則又以相火之虛故胃怯而不支為病  
漉漉振寒善伸數欠顏黑病至則惡人與火聞木聲  
則惕然而驚心欲動獨閉戶牖而處身以前背寒慄  
胃中寒張此則陽明之虛不可不察也要胃家為營  
衛之大主五藏之宗主其氣騰而上盛則脈倍見於

人迎其精亢以下輸則脉湧盛於趺陽仲景察病必先診兩大喉動脉之人迎及兩足趺之衛陽以知人之死生間甚益以足陽明及足少陰為先後天之根本故也故胃雖與府為六其脉能大見於寸口而立一陽藏於五陰之間凡以此也

在外者。筋骨爲陰。病在陰者。名曰痺。陰痺者。病在骨也。  
按之而不得者。邪在骨髓也。腹脹者。藏寒生滿病也。腰  
者。腎之府也。腎間竅于二陰。大便難者。腎氣不化也。肩  
背頸項痛。時眩者。藏病而及于府也。故當取足少陰之  
湧泉。足太陽之崑崙。視有血者。盡取之。

邪在心。則病心痛。喜悲。時眩仆。視有餘不足。而調之其輸  
也。

邪在心。邪薄于心之分也。喜爲心志。心氣病則虛。故喜  
悲。神氣傷。故時眩仆。視有餘不足。而調其輸也。按皮脉。

足太陰脾病論

脾位三陰為六經內主以地德而上承乎天故廣明之下即為太陰太陰掌太倉之出入為心君儲精待用之府所以散精微膳運用為胃行津液其職主運故以升為德部當水穀之海故以濕為苦若有餘不足而為病病淫與鬱則水火二氣皆能病之水病則壅壅則傷氣壅而不運腹滿脹胃脘痛腸鳴飧泄食不化身體皆重上為大塞火病則不濡不濡則傷血血枯而燥胃氣乃厚善饑肉痿足不收行善惡脚下痛舌本強食則嘔食不下煩心水閉黃疸脾約必也

未動念陽為  
 主陰不用  
 已動念陰為  
 主陽不用  
 土絕則胃  
 絕脾絕  
 陰絕則天  
 七日不合則  
 死

常使少陽之和氣常動於其中則土潤而升不傷於燥土健而運不傷於濕斯為得其平矣然而其居中夾孤藏以灌四旁而主四末有病必淪於四藏四藏之有病亦必待養於脾若脾絕則四藏無生者矣故後天之本絕較速於先天之根絕也故治四藏者不可以不養脾調停脾胃醫中之王道也然而曰腹滿腹脹支膈脹脇下厥上胃以為過在太陰陽明者太陰土壅則本經不運而陽明之氣不騰是不能出營衛以升達於上下不達於下則腎氣獨沉故下厥不升於上則肺氣不行故上胃此為中氣不足中州之

病是以甚則入胆也



麻痺之血氣充膚熱而生毫毛。故病在風。則肌肉痛而  
毛髮無也。脾主肌肉。開竅于口。故唇口槁。脂如不得汗。  
當取三陽于下。以去其血。補足太陰。以資水穀之汗。三  
陽太陽也。蓋寒熱雖在肌。而汗從表出也。○其雲從日。  
肺之鼻竅。脾之口竅。皆在氣分上看。

骨寒熱者。病無所安。汗出不休。齒未槁。取其少陰于陰股  
之絡。齒已槁。死不治。骨厥亦然。

骨寒熱者。病少陰之氣也。病無所安者。陰躁也。少陰為  
生氣之原。汗注不休者。生氣外脫也。齒未槁者。根氣尚

足少陰腎藏病論

少陰者陽  
氣初起陰  
謂之  
此火命門  
真陽  
火安  
命門  
坎卦中一  
點

腎在人身為陰中之少陰應天時而主冬令故太陽  
寒水司氣不歸膀胱而歸腎蓋以腎之為氣主蟄伏  
主歸藏天地歛藏之氣必歸於此是以寒水唯腎得  
主之也顧其氣位為先天根抵與心火為對待故又  
為陰中之太陰而先天真火亦涵於此是雖以水為  
體寒為位而以火為用計坎中之中畫一陽入二陰  
之間為體陽而用陰其性流行又體陰而用陽故其  
堅滑者水體也其流行者火用也是以先天腎中得  
水火兩具而氣分門真火於至陰之中夫陽氣生於

以造化生元  
水藏之源故  
水為大元  
元初即水同  
先天七司有  
病

陰中靜極而動能升陰精以上奉離宅所謂升坎填  
離之妙皆先天之大本大源火藏水中水升天上故  
常以水為海火為龍水煖而龍潛水寒而龍起是以  
腎家之病不止水衰為土所尅又有水火兩病如濕  
淫寒淫所勝則胸膈骨痛陰痺頭項痛時眩飢不欲  
食寒氣自傷清厥意不樂腹大脛腫喘欬身重寢汗  
出龍火為患面如漆紫欬唾則有血喝喝而喘心如  
懸口熱咽乾煩心之類皆腎家寒濕之淫亦水空火  
騰之為患也其水藏土中其為蟄蟄亦藉土封之  
力故內經以為腎合精其主脾此封藏必在脾氣故

不曰尅而曰主此前人補腎同六味入茯苓山藥之  
妙理也先詰之言曰腎家水不足勿撲其火須滋陰  
之真源以配火腎家火不足勿傷其水須益火之主  
以配水有旨哉

取之太陰陽明。陰陽血氣之相關也。身有所傷。血出多。傷其血矣。及中風寒。傷其榮衛矣。夫人之形體。藉氣而血濡。血氣受傷。故若有所墮墜。四支懈惰不收。名曰體惰。夫充膚熱肉之血氣。生于陽明水穀之精。流溢于中。由衝任而布散于皮膚。故當取小腹臍下之陽明太陰。任脉之關元。以助血氣之生原。三結交者。足太陰陽明與任脉交結于小腹臍下也。○沈亮宸曰。首言三陰之氣。本于裏陰。而外主于皮毛肌骨。下節論三陽之氣。從下而生。而上出于頭項。而此言膚表之血氣。亦由

足厥陰肝藏病論

厥陰肝藏。在人身居太陰脾之下。少陰腎之前。是為人身下部之中。故其位在少腹。其地為血海。其藏微偏左。故其部在兩脇兩肱。其經氣起足上腠內。廉循股陰。環陰器。抵小腹。上貫膈。循喉嚨。之後上入顏頤。與督脉會於巔。是以厥陰通乎巔頂。然其藏為兩陰之交。盡陰之絕陰。其表為少陽。絕而復甦。一陽來復。故少陽起於厥陰。一陽發生之氣。由此而起。故其藏為木德。主春。主甲乙。而與膽共為少陽。是以少陽與厥陰為表裏。乃其藏主藏血。為血家之部。其地為血

海故其職為血藏而攝血又為一陰主筋在兩陰之  
間為獨使是以能任筋骨勞役之事為罷極之本其  
精上榮于目而兼通於耳以木為德故其體本柔和  
而升以象春以條達為性而不可鬱故其氣常若急  
而激暴以發怒及其病也其證如逆逆則頭痛耳聾  
不聰頰腫拘攣招尤目瞑及兩脇下痛引少腹令人  
善怒虛則目眈眈無所見耳無所聞善恐如人將捕  
之以至經病腰痛不可俛仰丈夫瘡痼婦人少腹腫  
甚則喘乾面壅脫色遺溺瘕閉其鬱與勝必侵及所  
勝勝則脾土受和故胸滿嘔逆飧泄此其大較也然

肝和則生  
氣者為  
和者為  
生也

其於五藏為獨使而合少陽膽為游部又為將軍之  
官則於一身上下其氣無所不和和則為諸藏之膽  
養氣與元則能為諸藏之機賦凡弦脉所見者皆是  
也是以肝家之逆證最多其為寒熱虛實和氣侵犯  
本經自病與經氣相加凡三十有餘症要為肝之不  
足此不必言也即肝之有餘非有餘也肝之陰不足  
也或謂肝無補法此昔人之誤夫肝氣之逆由肝志  
之鬱經曰以辛散之以辛補之豈曰伐之乎肝火之  
實由肝血之虛經曰以酸寫之以酸收之以甘緩之  
豈養滋養乎至若陰和犯入則陰厥陰厥宜溫是補



其氣也陰虛不榮則陽厥陽厥宜清是涼其血也近  
代薛立齋立論清肝火補肝血矯前人之弊真得之  
矣

氣交外感病論

四時六氣五運司天是為三合緣其三合故為氣交  
氣交則變而人應之是以外感百病生焉人在氣交  
之中故也四時六氣之正內經全不列證其不列證  
者以正六氣本五行四時之順陰陽升降之宜果合  
氣宜何嘗有病所以有病以其氣之至有太過不及  
而又有加臨乘除主客勝負既參合其間則又恒能  
變本氣之用而為太過不及之殊此則運氣司天苟  
相值相加皆不能無病也若以不關於人則該年之  
生息鱗介羽毛裸類之盛育衰耗草木之榮落每年

不同此非其氣交而變者乎人在氣交變之中矣有不感者又內應之苟失其和亦矣有不病者哉然其所感與內傷七情異內傷從素性偏僻煎迫之有素藏府稟受厚薄之不相得卽由此而外感亦本自有內氣非可止以外和治之內經別有奇恒一門以收內傷要其法與運氣之外感霄壤然內經拈運氣七篇其病叢列帝以條緒紛綸復詢岐伯以致一之道而岐伯答病機十九條以約之其致病皆由歲氣交加外淫而甚其中火熱獨多者以二火司天故也岐伯恐帝未得圓通故首該以無失氣宜而繼之以無

者求之虛者責之謂有內證夾之當加之意也初不  
以外感之有餘印定後人眼目劉守真高明之士乃  
或不察而執以為藏府內外百病皆盡於此衍為原  
病或一書盡以有餘屬之火甚之證十恒八九特信  
寒涼攻邪之法為之立方以悞後人極於張子和儒  
門事親一書專以汗吐下三法從事峻劑祛邪以為  
和法正立否則關門閉盜後學不察仍其偏說原其  
不諳內經而適其奇恒一門亦不知人素藏府陰陽  
內氣先有餘不足邪之所湊其氣必虛盜氣其虛入  
劫執主當是之時攻盜乎救主乎若救主而用攻殺

其主而已矣。是又不講於仲景之法也。要總而論之。運氣加臨為病者。不越運氣之有餘不足而補救之。然須內因。其藏府藏府之有餘不足而內為病者。縱有運氣之感。仍治以藏府之內傷。而略祛速祛其微邪。以靖內氣。所謂養正則邪自去者。此矣。故治外感之紙用攻者。未為善法也。

厥陰歲氣病疏

按厥陰本氣為風為木在歲序為十一月冬至一陽生之後於時則兩陰交盡于上於氣則風木升動於下是以風木為本厥陰為標標屬沉陰本乃少陽少陽方起於沉陰而未著故不曰少陽而曰厥陰於時風木未勝乎陰而厥陰用事是以凡厥陰時氣及歲氣司天在泉所至雖屬風木而標之所在皆風木不足陰寒有餘在人應之外動于風內感于肝而恒起於陰故其病在筋所至為裏急裏急陰乘木而木鬱也為支痛脇痛陰乘本經絡而木不伸也為緩戾風

動筋而筋轉也。為嘔泄風木上逆下討也。此皆所至而病也。然司天恒氣從六元天氣司之。若己亥歲雖厥陰司天。乃風氣在上。厥陰下奉之。則風宣而動。風行地上。必脾土受尅。勢必病脾。是以民病胃脘當心而痛。上文兩脇鬲咽不通。食飲不下。舌本強。食則嘔。此肝脾之部位。經絡兩為所乘。故病如是也。又且胃膈如塞。腹脹溇冷。泄水閉瘕之反見者。風兼陰寒。陰寒動脾。又厥陰之標見也。然而風氣在上。又中見少陽。則風與少陽搖運。當其淫勝。又必本肝先病。故耳鳴頭眩。憤憤欲吐。眩脇氣并化而為熱。小便黃赤。胃

腕當心而痛腸鳴泄少腹痛注下赤白皆風與熱  
并而搖動肝脾之間也逆風木之動兼寒熱二者是  
以寒熱二症亦出於肝也時當木運不及則恒從金  
所化而為搖動注恐搖動者筋病注恐者肝膽俱病  
又其病為支廢墜腫瘡瘍木被金刑清燥傷榮而墜  
谿谷關節故支廢且墜腫瘡瘍也然以在天之氣豈  
容盡尅於是有鬱鬱與燥傷而異燥傷為乘所勝鬱  
為內不伸此氣將發而伏也惟伏而不發則鬱特甚  
所以民病亦胃腕當心而痛上支兩脇痛咽不通飲  
食不下症與風勝同彼以木逆此以木伏也抑而伏



將上拒於兩特甚遂支兩脇而兩咽不通也甚則耳  
鳴目眩轉不識人善暴僵仆木鬱生火而相煽於心  
腎之間使神魂不守而卒中暴厥至矣故所謂鬱者  
非不及也受制而莫之發則成怒故自相乘也此其  
治必發而伸之乃快耳病機曰諸風掉眩皆屬於肝  
諸暴強直皆屬於風諸風掉眩皆兼火與寒諸暴強  
直皆兼勝與鬱總之皆厥陰風木外淫之為也內氣  
不足與之逢合者育之時氣太過而厥氣不能禦者  
有之所以有主客之分也治客以急治主以緩主勝  
逆客勝從治六氣之權衡也

少陰歲氣病疏

少陰君火在正六氣居卯辰之位木方用事火氣方舒而未出於陰故君火之出為少陰然君者帝也出於顯明卯位所謂帝出乎震者是也本候為木主春用事所以君火不用然在司天而當子午午本南離故為熱化居氣為灼化灼與熱異熱則臨之灼則近之也天六元火在上少陰在下火為本少陰為標亦本陽而標陰也是以少陰所至本標之間心火與氣相乘或至而不足或至而有餘凡其為驚惑惡寒譫妄者又或為悲妄如蟬皆火不足而陰乘之熱反于

內也其為瘍疹身熱語笑火有餘而自乘於心神并  
及血脉也其在戊癸火運若戊午戊子為天符為赫  
暎則火太過動為炎灼妄擾其病笑瘡瘡瘍血流狂  
妄此亦君火自乘而傷神魄血脉鼓行刑金則金肺  
受和是以民病重少氣喘咳血溢血泄注下嗌燥耳  
聾中熱肩背熱肺氣不行木火交煽而寒熱爭故瘡  
壯火食氣刑金故少氣喘咳火逼血妄行使陰陽兩  
傷故上溢口鼻下泄二陰火急迫故奔迫注下嗌燥  
耳聾火盛涸水而傷腎肩背熱則火炎上焦昏金不  
足而不能救乃傷諸歲也甚則胸中痛脇支滿脇痛

膺背肩胛間痛兩臂內痛身熱骨痛而為浸淫皆心  
經及手心主所行之處火盛為和而過及本經也又  
值二火司元則心將自焚而神亂故譫妄狂亂至咳  
喘息鳴下甚者金水俱敗而下元不歸也血溢血泄  
不已陰傷盡矣此太過之病也若火不及則火不能  
施化少陰標病勞於經絡故於經所行之處皆病此  
寒過大行陰邪入而營脈傷也藹冒蒙昧者寒濕之  
氣冒明也心主言故暴瘡也夫心為太陽而主諸陽  
之氣今寒淫病火則并以納於寒水者主陽亦虛故  
屈伸不能龍髀如別也然至寒淫所勝則寒臨于上

而內陽居中所謂凡傷於寒則為病熱寒熱更勝是以癰瘍嘔血衄血腹痛乃陽熱中盛之症心痛眩仆面赤目黃色殆善噫乃寒凌心火逼其火熱上炎此水火寒熱交爭而神門脉絕心氣滅矣所謂鬱者火不發將內盛病少氣瘡瘍壅腫腸腹胸背面首四肢臍臏腫脹痛嘔逆癰瘕骨痛節迫有動皆火內實蘊隆而外不得宣故每見憤盈之症傷於經及筋故所過所動如此也若注下溫瘥火奔迫故注下與少陽搏則溫瘥腹中暴痛血溢流注精液乃少目赤心熱甚則腎悶懊懣善暴死則傷陰之盡自焚之患并傷

五內矣此鬱與火不足之虛異狀也病橫曰諸痛瘡  
瘍皆屬於心諸熱昏悶諸躁狂越皆屬於火此卽火  
有餘火鬱之症諸病附腫疼酸驚駭諸禁鼓慄如喪  
神守此卽不足寒氣內乘之謹要皆以火之有餘或  
鬱與不足受乘之至故皆謂屬火也劉守真見屬火  
屬熱諸條皆以有餘釋之豈知病情者哉

太陰歲氣病疏

太陰當溽暑六陽正盛而曰太陰何也天道陰陽分  
治時至夏至乾之六陽已極而坤氣見故一陰生一  
陰之所以生賴坤之全體也然其時溽暑煩蒸地氣  
溢滿故能大雨時行而滋物所以謂之濕土溼土為  
坤之全氣而居於西南故正位季夏司天則丑未主  
之上為濕土下為太陰標本一同唯溼之化乘於脾  
故太陰所至則濕重積為不運為積飲痞脹痞滿中  
霍亂吐下為重胸腫及其太過則濡積并積皆脾氣  
壅而不運土壅必尅水故其藏脾腎其病腹滿四支

不舉脾主四肢壅而不行故不舉也是以土運太過  
之歲腎水受和民病腹痛清厥意不樂體重煩冤此  
水土相汨濕甚滅火之證也甚則肌肉萎足痿不收  
行善痠脚下痛土濕傷肉并傷於筋也飲食中滿食  
減燥則易化溼則不化也至其變生得位則腹滿溼  
泄腸鳴反下甚三焦土滿溼火不揚故內蘊而證如  
是也此皆雖傷脾腎然濕在中宮至溼淫所勝則微  
有異焉濕勝則濕之浸淫遍及則所及亦病故病肘  
腫骨痛陰痺骨痛陰痺濕傷血矣腰膝頭項痛時眩  
浸淫之至和令不行氣與火兩壅也大便難前云澹



太陰陽明皆主之。故病始于臂者。先取手陽明太陰而汗出。太陽之氣生于膂腕而上出于頭項。故病始于頭首者。先取項太陽而汗出身半以下。足太陰陽明皆主之。故病始是脛者。先取足陽明而汗出。曰始者。謂病始于下者。下行極而上。始于上者。上行極而下。曰先者。謂手足之陰陽。各有所主。然三陰三陽之氣。上下升降。外內出入。又互相交通者也。

臂太陰可汗出。足陽明可汗出。故取陰而汗出甚者。止之于陽。取陽而汗出甚者。止之于陰。

此云難以胎氣阻絕不得治，節大腸也。陰罷不用陰藏精而起亟，濕傷陰起不能亟，故不用也。飢不欲食，為胃有餘而浮火壅咳唾，則有血為心火鬱而刑肺也。心如懸并傷心之陰矣。此傷腎之至，與腎始受和微有別耳。若夫土之不及，風過大，行民病飢泄霍亂，體重腹痛，風能勝濕，宜無飢泄霍亂。然土氣為木所剋，剋獨風行，其其間又善行，數變脾氣有不及，運者矣。筋骨繇復，肌肉瞶瘦，善怒，風氣專行而燥脾之散精皆所不及，并不能養肝，故善怒矣。乃夫土鬱則病，心腹脹，腸鳴而為數後，土壅而陷下，氣不伸也。

甚則心痛脇脹嘔吐土壅而逆上氣不得下也霍亂  
欬發注下附腫身重則土之鬱也深矣司天在泉為  
主為客觀之有餘不足為淫為鬱而理盡矣病機曰  
諸濕腫滿皆屬於脾諸瘕項強皆屬於濕夫腫滿屬  
太過與鬱則誠然矣若瘕一證有出於少陰陰虛者  
有起於陽明火剋者今屬太陰之淫壅而為瘕是太  
陽寒水所乘與厥陰風木所勝於丑未之歲土不堪  
水與木故有是症此特從運氣言之也然不可例少  
陰陽明之瘕矣

少陽業氣病疏

相火當乎巳午巳為五陽午為六陽此太陽之正候所以主夏令者也所以為少陽者其時雖六陽出地而未極乎上故猶曰少陽非以春生之少陽為少陽也司天則本寅申火長生于寅而六陽極於申此專以暑熱從事者也暑熱為本少陽為標少陽所至為噦嘔瘡瘍驚躁瞽昧暴病喉痺耳鳴嘔涌暴注瞋瘰暴死暑熱所乘暴速故其為病暴烈亦以其無陰也暑乘所勝則與人陽明胃為應故熱客於胃煩心心痛目赤欲嘔嘔酸善飢耳痛溺赤善驚譫妄暴熱消

燥少腹痛下沃赤白夫熱客於胃上蒸於心故煩心  
心痛少陽標在胆起目銳眚故目赤欲嘔嘔酸膽赤  
熱也胃強故善飢少陽脉入耳故耳痛陽明熱侵淫  
水道故溺赤陽明當心部又暑入心故使心驚而譫  
妄暴熱消鑠者溽暑使然也少腹痛下沃赤白二腸  
絡為陽明太陽故俱受暑也若相火在下而不升心  
內乘三焦而傷血分民病注泄赤白少腹痛溺赤甚  
則血便血便者即今所謂時行痢也血便有痢純血  
與尿血之證皆病在中下二焦而內傷血分使然也  
此所謂在泉也大概熱淫所勝雖肺金受病而胸中

煩熱血乾右牀滿血泄溺色變腹大滿等症實陽明  
三焦病又不止血溢熱啞皮膚滿寒熱喘咳等為傷  
肺也惟其暴速故其病主掉眩驚駭上熱鬱血溢血  
泄心痛而乘於土金水則又體重肘腫痞飲病肩背  
胸中寒浮腫是以病機曰諸腹脹大皆屬於熱諸病  
有聲鼓之如鼓皆屬於熱諸轉反戾水液渾濁皆屬  
於熱諸嘔吐酸暴注下迫皆屬於熱由是觀之諸腹  
脹大聲如鼓火象陽明也諸轉反戾水液渾濁火象  
少陽太陽也諸嘔吐酸奔迫下注火象三焦也蓋相  
火外發則丹赤丹燥唇瘍喉啞腫潤患暴死內淫

則腹脹如鼓水液渾濁諸嘔吐酸暴迫下注皆火之  
奔迫而正氣不得行也然此等症為遇相火所臨水  
運所阨故有如是若非司天非值年而概有是證者  
又係之內傷蓋府相乘不可不察也蓋腹脹有寒有  
熱反轉戾有肝寒筋急水液渾濁有氣化不及州都  
或由相火之衰大約相火之部病初非一定法于熱  
也故此諸條岐伯特發明運氣司天使然耳可不察  
而蹈粗工之失也

陽明歲氣高疏

燥金秋令屬處暑後寒露前乃其上為陽明者前此  
濕土溽蒸埃昏陽而不明至處暑則氣收物斂陽氣  
已高天晶地明故曰陽明非在人之兩陽合明于胃  
之陽明也胃應相火旺於巳午故曰陽明者午也在  
主令司天則為燥金屬七八月在人屬肺故肺主秋  
令也燥金者生於溼土母腹至此則出三庚伏後涼  
風至而擊斂成故曰燥金司天則標本同氣在人則  
以手太陰肺應之故陽明所至為浮虛浮虛者金氣  
過斂陰崇不引外傷表氣故虛浮也為乾尻陰股膝



肺肝足病肺主乾燥傷腎故尻陰股膝等病為腸痛  
發揭燥傷肝故腸痛自病皮毛甲錯而發揭皆燥病  
也金寒而肅飲故乾噎以燥勝則乾故諸病起也是  
以歲金太過和傷肝木民病兩脇下少腹痛目赤皆  
瘍耳無聞木無能舒氣飲不榮反生火就燥剋其本  
氣故見諸證甚則體重煩冤體重者肅殺而甚無生  
動之氣也煩冤肝氣逆而不舒也本經曰腎虛脾虛  
肝虛皆令人體重煩冤又肝不及令人胸痛引背而  
脇滿痛引少腹上言兩脇下少腹痛者病肝藏之氣  
也下復言兩脇滿且痛引少腹者病肝藏之經也蓋

氣外應運氣故所感先病氣而後及經脈諸歲  
皆然與四時感冒猝然先受毛而次入經脈者不同  
也甚則喘欬逆氣肅殺太甚則金氣自虛而火氣來  
復也肩背痛尻陰股膝髀膕胫皆病金氣虛其經而  
又下及所生之水氣也金生水今水氣峻而生氣  
伐則病暴痛眩暈不可反側肝胆病也至夫燥淫所  
勝筋骨內變民病左眩脇痛傷肝甚也寒清於中感  
而成霍亂木相搏寒熱格拒故成霍也欬腹中鳴注  
泄驚悸欬為肺家自傷肺氣擊隘中焦不治而腹鳴  
也注泄驚悸寒清過甚傷中也心為暴痛不可反側

木乾火抑火木俱損故暴痛不可反側者也。噤乾面  
塵燥傷康泉故乾血不華色故塵也。腰痛癰亦肝感  
寒清而下蘊結也。目眇皆瘍瘡淫皆木鬱而火過於  
經也。蓋陽和者物之生，擎飲者物之死。金燥過則肺  
心脾胃皆病不止肝病矣。若金不及而火乘之，又民  
病肩背脊重，熱噎肩背脊重由肺氣之失位，熱噎之  
來寒素則見熱素亦見也。血便注下火傷二腸金化  
不能及也。乃金鬱咳逆腸滿引小腹善暴痛不可反  
側皆肺氣自壅滿引小腹者，脈氣不行於下也。痛不  
可反側木氣不達也。噤乾面塵色惡皆燥勝則乾病

幾曰諸氣詰鬱皆屬於肺諸鬱苦咳喘鳴仰息胸脇  
痛支滿引少腹之類諸氣則諸經之氣也又曰諸痿  
喘嘔皆屬於上金燥其榮傷筋故痿屬肺上焦鬱而  
不通故喘且嘔唯肺氣不行故胃氣乃逆所以屬上  
也金燥之令大概如此司天與此畧同而主客素除  
皆可察矣

天陽生于  
 陰癰乃陰  
 經者陽氣  
 賦之于  
 以故灸太  
 陽以治諸  
 陽氣而脈  
 以故通水  
 則骨為陰  
 脈為陰

陽之氣脫也

脈癰疾者暴仆四肢之脈皆脹而縱脈滿盡刺之出血不  
 滿灸之挾項太陽灸帶脈于腰相去三寸諸分肉本輪咽  
 多沃沫氣下泄不治

經脈者所以濡筋骨而利關節脈癰疾故暴仆也十二  
 經脈皆出于手足之井榮是以四肢之脈皆脹而縱脈  
 滿者病在脈故當盡刺之以出其血不滿者病氣下陷  
 也夫心主脈而為陽中之太陽不滿者陷于足太陽也  
 十二藏府之經俞皆屬于太陽故當灸太陽于項間以

太陽歲氣病疏

寒水主令在立冬後冬至前於時為六陰故為寒水  
太陽為之上者此時陽退而在上為卦之剝老陽在  
上一畫其下五陰故太陽之下為寒水也寒水冬之  
正令在人唯足少陰腎得以應之而太陽反納膀胱  
者膀胱與腎表裏同主寒水故太陽以陽從陽而納  
膀胱也雖納膀胱而主令以少陰為主故太陽為標  
寒水為本本寒而標熱本勝而標不勝是以太陽所  
至為屈伸不利腰痛寢汗痙流泄禁止屈伸不利寒  
病在骨也腰痛腎寒也寢汗寒水凌而心氣微汗不

收於陰也。瘕病支體強直，筋急反戾，腎虛而寒凝相襲也。三焦寒不化為流泄，陰凝結陽不化，能使二便不通，又為禁止也。其病卽所謂陰結。夫水太過其動漂泄沃湧，水不及其病痿厥堅下，卽所謂禁止從土化也。其為歲水太過，和害心火，民病身熱，煩心躁悸。陰厥上下中寒，謔妄心痛，其為身熱者，以寒氣上乘迫其火氣外炎，故身熱煩心躁悸。水氣凌心，火抑而內寇也。陰氣寒甚，故厥逆於上，上下中寒者，三焦之火衰也。謔妄心失其居而不寧，故謔妄也。甚則水淫而自傷，為腹大脰腫，此寒濕交流，水汨土也。喘咳寒

搏於肺寢汗出憎風衛陽衰而營不守也上臨太陽則兩寒並至腹滿腸鳴溏泄食不化所謂漂泄沃涌也渴而妄冒膈中心煩盛也乃夫寒淫所勝則流禍及遠蓋太陽為諸陽之首即君火之陽也今從在下之寒水寒氣反從上而至是上下皆寒而太陽運居於中是內陽居中正所謂凡傷於寒則其為病熱者也寒熱更勝是以血變於中發為癰瘍厥心痛嘔血血泄數衄善悲時眩仆運斯陽熱中盛之證胸腹滿手熱肘掌寒乘於中而不運格於外而不榮也衝心澹澹大動寒水作逆并胸脇胃皖不安也面赤六陽



格而不下目黃脾土濕而不升也善噫心氣不昌噎  
乾氣不上潮色始渴而欲飲皆病本逼心之故其中  
雖有與心同病者然皆心火抑而失職使然矣至水  
不足則濕乃大行又民病腹滿身重濡泄寒瘍流水  
寒瘍者陰疽也陰不成膿故流水腰股痛癰膈股  
膝不便煩冤足痿清厥脚下痛正所謂痿厥堅下甚  
則肘腫水汨土也乃水鬱則不然水滯而不流通則  
上下三焦筋骨皆水氣為患而勝火故善病寒厥心  
痛腰膈痛大關節不利屈伸不便善厥逆痞堅腹滿  
夫動轉歸火今火失其居故病若此病機曰諸寒收

引皆屬於腎諸病水液澄澈清冷皆屬於寒諸寒收引已見前矣澄澈清冷此三焦無火不能攝水也又曰諸厥固泄皆屬於下經曰少陰不至則厥陰結下焦為固寒傷土濕為泄皆自下焦腎氣為之故曰皆屬於下也

奇恒病論

黃帝問曰余聞揆度奇恒所指不同岐伯對曰揆度者度病之淺深也奇恒者言奇病也夫恒之道胃氣五藏各得其所上順天時內調榮衛故神轉不回轉流動也回逆曲也回則不轉過失其機於是藏府曲逆尅欲凌犯神機之運用失矣失則不循恒道有非恒道所得而揆度也於是岐伯又設奇恒一門以度奇病乃其文六十首書閱簡脫今可論者十之二如五藏別論奇病論大奇論脈解篇氣厥論腹中論逆調論病能論諸篇俱從運氣藏府經絡而外括其

病之厥逆錯雜所謂回則不轉乃失其机者也此開  
後世內傷雜證之大經大法也乃為綱領其說曰行  
奇恒之法以太陰始夫手太陰為元氣之主足太陰  
為六經之主奇病之作必變於元氣神機之失不失  
必占於元氣故雖奇病之千變萬化而一以太陰為  
準為始此又治奇恒之大宗也乃內經又有指藏府  
本來之奇恒者此原其所以奇之故也經曰腦髓骨  
脉膽女子胞此六者地氣之所生也皆藏於陰而象  
於地故藏而不寫名曰奇恒之府又曰魄門為五藏  
使與前為七而膽雖屬少陽特曰中精之府故此七

無聲也。食氣入胃，濁氣歸心，故當先補足太陰陽明，以養心精，補足太陽之津，以資神氣。後取手太陰太陽陽明，以清其血。焉按因于足少陰者，先取手而後取足，因于手少陰者，先取足而後取手，皆上下氣交之妙用。狂而新發，未應如此者，先取曲泉左右動脈，及甚者見血，有頃已不已，以法取之，灸骨骹二十壯。

此總結以上之狂痰，如從下而上者，則當先取肝經之曲泉。應者謂因于下而應于上也。蓋言狂乃心氣虛實之爲病，如因于腎氣之真虛，皆從水而木，木而火也。故

者之有病其受病不與藏府之主時者同是藏府之一異也有出於藏府之體要之奇恒者如腹中論諸病外不涉於形身內不關於藏府病在宮城空廓之中或氣或血或風或熱以至女子妊娠皆在空腹之中雖臆中三焦督任五藏之散絡皆在而病止屬肝脾以肝脾為腹中之主故也此體要之一異也有藏府交加之奇恒者如氣厥論寒熱之相移不論順傳逆傳而以氣之所之相并為病逆調論寒熱陰陽之所相勝而為病調經論表裏上下陰陽氣血之相并互相勝負而為病夫陰陽氣血寒熱之相并相勝不

係四時不緣感召發有所自之病。本來有積滯之恒致。迨病至而相勝相并。此皆內傷不足之所絲。所以異於恒等也。是病源之一異也。又有藏府顛僻之奇恒者。如大奇論藏府脉各見顛僻而成病。有腫滿偏枯。癰惠風水陽澀之證。而皆非藏府主時之恒病。則厥逆之絲來既久。必須揆度脉氣病由而治之。有別是又瘡疾之一異也。又有六氣之錯出互為體用之奇恒者。如陰解篇太陽主寅。少陽主戌。厥陰主辰。太陰主子。又云四月五月人氣在頭。八月九月人氣在心。原其然者。人身恒常之氣。絲下而上。絲上而下。故

正月人氣在肝而三陽初出於寅故太陽主寅厥陰  
主火主氣故厥陰為辰九月人氣在心者以氣由肺  
而下始次至心少陽為心表為相火故亦次心而主  
九月成太陰為陰中之至陰十一月陰盡而純坤見  
故太陰主子此又與本經三月四月人氣在脾者不  
同凡陰陽乘除每各一道並行不悖俱非恒道而要  
不可背之為道是又陰陽之一異也又有八奇經見  
病之奇恒者如刺腰篇十二經皆有腰痛蓋以帶脉  
為諸經之鈐束故也若陰陽兩蹻出陽入陰出陰入  
陽而機關於目陰陽二維別為部於陰陽之會而主



持內外衝督任脈一源而三岐而各統陰陽之海所得病既非十二經之恒常而十二經與之病焉又竒道之一異也。夫人之一身其為陰陽歲府五行恒轉而神机攸享乃既有前七者歲府之孤陰不倫於恒等有部位之間要不涉於衆流又有病源之乘滯疾之積陰陽錯出之異竒病為病之別苟非揆度執之恒理而不求其所繇然安能使神機之轉而不回耶

衝病論

衝脈為病逆氣而裏急上衝作躁熱咳唾手足  
逆或逆氣從少腹上衝拘咽面赤然熱如醉下流  
陰股小便便澀結暑月為甚則傳腎肝為痺厥四  
肢如大或如冰心煩寒熱客脈不通氣因喘動  
應手起關元隨腹直上病痼遺溺腸支滿短女子  
絕孕動氣在上下左右不可發汗與下

衝脈病凡數條散見諸篇及仲景書合而觀之衝脈  
既為十二經之海而下為血海又與督脈為十二經  
之道路及與任脈陽明會於氣街則經一身督任二  
脈皆衝也要其主血海是以為先天精氣之主能上  
灌諸陽下滲諸陰以至足跗故其治常在血海惟其  
陰陽和調而精氣充足則陽和之精升運於一身之

間而稍有不調卽根本不茂必逆而上僭其為上僭  
有二陰不足者火逆火逆則咳唾躁熱上搶心眩仆  
四肢如火心煩恍惚狂痴陽不足者寒逆寒逆則少  
腹滿中滿暴脹痼疝遺溺脇支滿煩女子絕孕脉之  
未若火逆則陰陽俱盛兩手脉之俱有陽沉之俱有  
陰寒逆則脉來中央實堅徑至關尺寸俱牢直上直  
下謹見胸中寒亦大約皆衝之病則見此等脉也而  
仲景云動氣在左右上下俱不可發汗與下發汗與  
下右則犯肺於上則氣燥而逆故衄渴苦煩氣隔飲  
水卽吐於下則精竭而不下故頭眩咽燥鼻乾心悸

左則犯肝於上則傷血而引肝上逆故頭眩筋惕肉  
瞤難治於下則傷氣腹裏拘急不止動氣反刺雖有  
熱而欲卷上則犯心汗之則氣上衝在心端下之則  
掌握熱煩汗泄欲水自灌蓋汗下則心液泄故如是  
也下則犯腎故發汗而寒起且無汗大煩骨節疼頭  
痛目運惡寒吐穀太陽虛也下之而氣竭上下兩隔  
則腹滿卒起頭眩清穀心下痞堅亦少陰氣不足且  
厥也所以然者衝治血海治在臍之左右上下大約  
衝氣逆則陰精虛陰精虛則陽氣竭其可發汗與下  
乎然其氣起少陰發於厥陰若三陰之開闔失職則

本源之真水真火兩虛而為患種種必犯和衡則又  
不止痿厥二證為衡之致然矣

任病論

任脈為病男子內結七病女子帶下瘕聚  
寸口繫細實長至關者任脈也動若少腹繞臍下  
引橫骨陰中切痛又若腹中有氣如指上搶心  
不得使如拘急

任脈為陰脈之海起於會陰上中極而同足厥陰太  
陰少陰並行循關元歷石門氣海而會足少陽衝脈  
于陰交歷建里而會手太陽少陽足陽明於中脘以  
上喉嚨會陰維於天突廉泉至目下之中央承泣而  
終其脈之起真陰也地道也然地道之能通必由天  
氣之下降故天癸者天之元氣降而為精氣以充於  
地而後真陰生真陰充然後地道通於是太衝脈盛

而月事以時下若任脉虛太衝脉衰天癸竭而地道不通故形壞而無子由此也然陰在內雖為陽之守而真陰最難充滿必由穀神之充滿年歲之俟至然後天元堅定所謂天癸至而地道始通也是以真陰必由於真陽及年四十而陰氣自半則陽之盛極而衰為陰所襲故曰陰氣自半蓋此之陰是窮陰而非真陰矣此雖真陰衰實真陽衰也要之任脉之為病病在陰中無陽故男子內結七疝女子帶下瘕聚此為結陰故症如是若夫脉來緊細實長至關者所謂陰氣之襲也故病動苦少腹繞臍下陰中切痛又苦

腹中有氣如指上捨心拘急不得俛仰此雖為無陰之症實為無陽之證蓋使陰中有真陽則真陰充滿和順而得上會三陰三陽而至於兩目之間矣



其熱而出其汗。實其陰以補其不足者。身熱甚。陰陽皆靜者。勿刺也。其可刺者。急取之。不汗出。則泄。所謂勿刺者。有死微也。

沈亮宸曰。熱病三日。三陽爲盡。三陰當受邪。如氣口靜而人迎躁者。此邪尚在陽而未傳于陰也。故當取諸陽。爲五十九刺。以寫其熱。而出其汗。實其陰以補其不足。勿使邪氣之入陰也。如身熱甚而陰陽之脈皆靜者。此邪熱甚而陰陽之正氣皆虛。有死微而勿刺也。其可刺者。急取之。如邪在陽分。卽出其汗在陰分。卽從下泄。此

# 二維病論

陽維為病苦寒熱陰維為病苦心痛陰陽不能相維則脈然失志容溶不能自收心陽維動苦肌肉痺手足相引甚者失音不能言陰維動苦頸項痛僂伸羊鳴失音不能言自發汗出惡風身洗洗然陽維浮者起目眩陽虛者若胸中痛脇下支滿心痛其脈如貫床者男子而弱女子陰中痛如有奇疾

陽維維於諸陽其所謂維者起於諸陽之交發於足太陽之金門而與手足少陽陽明會於陽白陰維維於諸陰起於諸陰之交發於足少陰之築賓上至項前而終是二維者雖有經絡之別而實為陰陽之盛

氣所持。蓋陽莫盛於太陽。是以能維持諸陽。陰莫盛於少陰。是以能維持諸陰。故二維之盛。其盛不在絡。而在氣。二維之病。雖在絡。而實在氣。唯本陽本陰有衰耗之氣。必能總見於諸陽諸陰。是以陽維為病。必太陽衰於下。而失升騰之和氣。是以先見少陽。故苦寒熱。陰維為病。心少陰竭于裏。而見窮陰之厥逆。故苦心痛。若陰陽不能相維。是謂陰陽兩虛。其證心腎不交。水火兩乖。神明無所主。故惺然失志。溶溶不寐。自收以水火散渙。無相養之道也。又陽維苦肌肉痺。痿者。陽衰則衛不行。而氣滯。氣滯則陽不能率先而

陰行遲故痺痿又令人身如蟲行如是則陽不能攝而陰獨滯故皮膚痛陽衰於本起故下部不仁并汗出而寒此陽之不回不至榮亦不行是以陰襲之也他若顛仆羊鳴手足相引者陽去經絡凝滯停濕在經而為疾異時陰襲之則經阻而筋掣故迫而相引又阻其氣道是以壅隘而不能發若羊鳴也使陽能維矣有是乎若陰維之不維是陰已不副陽而不能為陽守則陽離而不入陰重陰充塞隧道九竅皆沉故亦病癱瘓顛仆羊鳴或失音也若肌肉痺痿汗出惡風則若稍輕於前證要亦榮虛無陽而畏寒衛亦

不能為之衡耳故陰維之虛為陰虛實無陽之虛也  
亦少異於陽維矣

帶病論

腹滿腰溶溶如水中 婦人小腹清裏急後重赤白帶下左右遠臍腰脊清衡陰腹

內經云身半已上天氣主之身半已下地氣主之中  
為天樞天樞在氣交之分母論一身二十七氣之上  
下流行於此焉關鎖而又必有氣焉以堅持而整束  
之以牢持於上下之間是以能聚而為強力故人之  
力出於腎腎在季脇之下正所謂帶脉也故衡任二  
脉傳於氣衝屬於帶脉而絡於督脉大衝之脉所以  
能上養心肺者亦賴之於帶脉之持之矣乃帶之為  
病其謹督下而不上者下之腎肝虛而真陰不榮上

為心脾之鬱氣不上下行而不運於是停濕為熱而  
下注於小腸血海之間則病作矣故赤白帶者上為  
心脾鬱抑下為腎肝陰虛和熱留連為帶淫之病也  
腹滿者中分之不運腰溶溶如坐水中者陰陽兩虛  
中分弱而力不能鎮定也左右遶臍腰脊痛衝心腹  
者陰氣襲於下也陽不能勝而不能固守于天樞是  
以陰得而襲之為厥逆之事也蓋鍵束關鎖機關全  
在於帶苟帶不能自持其氣其證皆陷下而不上矣  
治之有標有本其升降補瀉求其本而治之耳

天道部

天地陰陽大論運氣五六說

或問於余曰：軒岐述天地之道，明陰陽之本，終以三合為治。帝臣若鬼，史臣猶曰：上候而已。未能明其事也。唯岐伯首出六臣，而六臣之材各有所長。今二千年来，學者如衆，盲摸象，紛紛以運氣治病，卒無一驗。而粗心守陋之儔，謂此且冥度闇略，無省思，不知乾坤鼓鑄萬類，人在氣交，如魚在水，民知所生而不知所以生，誰非生物而能出變化之外？今子沉潛內經，發憤而欲明之，其於造物生天生地生人生物之本



不可挈其要領而為後學一時之乎余曰唯唯余非  
能越前人而明之也然軒岐立說厥有根本經文曰  
其生五其氣三三而成天三而成地三而成人三而  
三之合為九氣九氣具而天地人三才之體周具見  
矣夫所謂其生五者合天地人萬類皆生於五行之  
氣也乃不曰其氣五而曰其氣三則所謂一陰一陽  
之謂道以一陰一陽而運行之鼓舞之其間陰陽各  
一而所以能運行鼓舞者則又有一也此一合二以  
成三而始布五行於陰陽剛柔之間人在氣交而兩  
受之此所以三而成天三而成地三而成人也三才

既立五常備行而天地人之體用遂分於是有之為  
合。又有之為分。有之為定。體有之為參互。又有之為  
補救。此陰陽之通體。天地之常經也。立天之道曰陰  
與陽。則日月四時運行不息。此其大運也。而又有總  
持者。復列五運。首土以持歲功。本六元於司天以正  
六次。於以主時。主歲。主次各不同也。此天之分用也。  
立地之道曰柔與剛。則山川水土五方陰陽各奠。此  
其定體也。而又有其遷次者。三陰三陽各以司年。奉  
六元司天在泉各以上下正氣。本於以紀方紀步。紀  
歲各不同也。此地之分用也。繇是而天地之氣必三

合為用矣。然其間氣化分行，其體則真定而不移。其事則博濟而不雜，其神則妙用而無方。其道則循環而補救，求之本然。陰陽之氣有所為，各正而不相凌。躁者如大氣之舉，風寒在下，燥熱居上，溼氣居中，火遊行於其間。是以少陰厥陰在下，太陽陽明在上，太陰居中，少陽通乎上下。於人稟之為體，亦猶是也。此雖六氣交互布濩之相輸而上中下之定位不渝也。又有夾輔而行，叅伍為用者。少陽之上火氣治之中，見厥陰陽明之上燥氣治之中，見太陰之類。原其然者，三陽皆起於三陰，陽之起陰亦從而見。少陽起於

厥陰乃中見厥陰陽明起於太陰乃中見太陰以其  
根抵所在恒相比而不離故參伍以為用也又有亢  
害承制者相火之下水氣治之水位之下土氣承之  
六者皆有承制陰為循環相救以消弭其亢甚而不  
至於毀裂此則三合之內三合之外又有妙如此者  
無非其氣三之為用鼓舞運行於天地人之間是天  
地造物之根而皆非人之所能為也蓋天地之氣無  
不有分既萬類各領之以為元始而有分物無分氣  
總於太極之一元亦無不有合皆共合為大生之根  
本而又有分氣無分物共為萬殊之一致於其不分

而能分能分而不分天地之本陰陽之朕可不靜參而悟乎

其氣三論

天地陰陽一氣而已。自太虛而有太乙之生氣。由其動靜以為陰陽。遂有晝夜寒暑之分。於時運行有溫熱涼寒中氣之別。於以生物具為五行。是五行之生者不離陰陽之一氣也。而經曰其氣三。且曰三而成天三而成地三而成人是三氣者。天地人之本始也。後學未知其所謂。請得而論之。易曰一陰一陽之謂道。夫太極無形。倏而為有。其倏而為有者其氣也。故太虛者生氣。氣動而為陽。其不動者為靜。為陰。動與不動相薄而為陰陽之用。然而道生於此。一陰一陽

闔闢無已循環鼓舞而終始之此一陰一陽者非各  
一之一乃道之妙用合一之一也然既合一又復各  
一則是中本一而已有三氣存乎其間矣動與靜各  
而能動靜又有一陰與陽分而一陰復一陽又有一  
由此觀之太乙之所施生造物之所鼓鑄必待三而  
後成物故氣不得三則無以布行於五而五之為五  
非得三又不能各致夫一也三者一之用也五者三  
之成也故三而成天立天之道曰陰與陽天總陰陽  
而又積陽以自剛也三而成地立地之道曰柔與剛  
地致剛柔而又積陰以自奠也三而成人人之成本

氣交則稟天之陽動為氣本地之陰靜為精而有神  
存乎其間以立性基故立人之道曰仁與義此為性  
言之也其實有命而後有性命則精氣神三者合而  
不離也此所謂三而成人也蓋以太極用此三氣生  
之五行而五行之生又莫不各用三氣予就人之五  
藏言之心為太陽而主血脉是合陰陽而自為陽也  
腎為太陰而涵金門真火是合水火而本為陰也肺  
主治節而水出高源是合金和水以行氣也肝為血  
海而生一陽以升太衝是水木火而總於厥陰也脾  
上承火而下涵水以奠乎中使火腐熟使水滋灌土



以歸藏是合水火土而為土養四藏也以世界論則  
墨所云空昧成搖茲有風輪動搖不息忽生堅礙故  
有金輪風金相觸於中生火搖明風出風金相摩故  
有火光寶明生潤火光上蒸故有水輪火騰水降交  
發立堅濕為巨海乾為洲渾水勢劣火結為高山山  
石擊則成鏡融則成水土勢劣水抽為草木故林藪  
遇燒成土因絞成水是以陰陽之致相待為用陰陽  
之極互藏其宅故五行之變化皆非一氣偏至所成  
必以參合而成之凡其所參合始於合兩合之兩非  
兩是兩又有一也蓋一有偏至而合三則無偏至一

無鼓動而合三則能鼓動人徒知為三且不知合三而後能充一也亦知生於一耳不知用三而後能全夫生也自軒岐指出三氣而造化之妙用自一而三自三而五故三五與一太上之玄間養生之奧閑又曰知其一萬事畢矣

六節五制生五論

天以六為節 地以五為制  
其生五

河圖之數五十五而總其數為天五地六分其數為  
天五地五、天五、一、三、五、七、九、五、奇也、地五、二、四、六、八、  
十、五、耦也、奇以五乘五、五、五、二十五、耦以六乘五、五、  
六、三十、此所以天五地六也、然而陰陽交互氣生相  
乘則天氣反以六、地氣反以五、此六節五制之旨、軒  
岐所述也、而能參合於易之義、何則、兩儀既奠而後  
天以陽而化氣、氣本無質、凡六合無形、化氣之陰陽  
皆本於天氣、地居其陰而成質、陰始成形、凡六合有

形成質之陰陽皆本於地氣所謂五者生長化收藏而成木火土金水是也所謂六者少陽陽明太陽厥陰少陰太陰以奉寒暑燥溼風火是也所謂六為節者天之六元布行於地即本地之六位以分化氣是天以六為節也所謂五為制者地以成形承天之化即天之五行以造萬類故成形有萬而不越於五是地以五為制也於是天以五而干生地以六而支生以五加六而甲子生天以五用六地以六成五此天施地生之大致而六節五制之妙義也自此而生之五行五行有本生之理有制用之道繇其初天一生

不可刺也。

一日汗不出者。外淫之熱。不得從汗解也。刺熱論曰。肝熱病者。左頰先赤。心熱病者。顏先赤。脾熱病者。鼻先赤。肺熱病者。右頰先赤。腎熱病。頤先赤。大額赤者。滿額面皆赤。此五藏之熱甚也。噦呃逆也。噦者。外內之熱交爭于中。而致胃氣絕也。二日泄而腹滿甚者。正氣陰液下泄。而外熱之邪。填于內也。三日目不明。熱不已者。內熱甚。而外內不清也。四日老人嬰兒。熱而腹滿者。死。夫老人者。外內之血氣已衰。嬰兒者。長養之陰陽未足。腹滿

水天一者靜剛之氣也靜剛之氣為金體故生水水  
之為物一陽居二陰之間此由靜而動由陰而陽也  
由是成二乃動而為二故地二能生火以繼之所以  
生火者由其動而之陽也水火既濟則陽成形矣形  
成而條舒為陽此天三之所生木也條舒則陽已暢  
發而陽復生陰生陰則堅歛而實矣此地四之所生  
金也然土居中位成乎四氣而成功位次反居其後  
何也土為萬物之母奉天而不居故必於四氣之既  
成而後見之也然土為中宮為罐鼎能先用水火水  
火不得則相射是以戊己之位當於水火之聚此

坎納六戊離納六巳所自來也是以戊巳中宮最尊  
布氣為生物元始所謂資生於坤也以是為南政居  
君位而水火木金四歲氣環拱之以其環拱故謂北  
政如臣而君也乃其地支辰戌丑未居四餘之偏兼  
為四庫以真定四氣所以終萬物成萬物而告成功  
於物後也故天雖以五生土而常以一居四而首萬  
物首之者即首以土運此萬物所以資始也地以十  
成終而恒以二居五而終陰陽此萬物之所以資生  
也生生之本制用之道盡矣

天道六氣中見論

帝曰願聞天道六六之節盛衰何也岐伯曰上  
有但左右有紀故少陽之右陽明治之陽明之上  
太陽治之太陽之右厥陰治之厥陰之右少陰治  
之少陰之右太陰治之太陰之右此所謂之氣也  
待之也少陽之上火氣治之中見厥陰陽明之  
上燥氣治之中見太陽寒氣治之中見  
少陰風氣治之上見太陽太陰治之中見少陽  
氣治之中見太陽太陰治之中見少陽  
所調也中見太陽太陰治之中見少陽  
本不同氣也異象

天以五行降行於地因用地之三陰三陽推移治節  
而為六位于是天之五行分之六氣六氣者寒暑燥  
濕風火為天之六元南面而閱地之六位六元為本  
六位為標其標本之從有正對之化有根源之治故



本標不同氣應異象所謂不同者如少陰君火在午  
太陰濕土在未厥陰風木在亥少陽相火在寅陽明  
燥金在酉太陽寒水在子此為旺氣其冲為對化而  
三陰三陽又隨而上奉之故本標不同予於司天以  
推言之矣此章明天地本然之六位於三陽之定位  
則始少陽中陽明終太陽三陽合為初終而不離于  
三陰之定位則始厥陰中少陰終太陰三陰亦合為  
初終而不離此陰陽之定氣也原其根本則三陰在  
北亥子丑為正位三陽在東寅卯辰為正位然以此  
氣奉天而歷其生長收藏則其氣之承天者三陰亦

在南之陽故臨乎巳午未三陽亦在西之陰故加乎  
申酉戌凡地之三陰三陽其氣有本有從天之六元  
其化有正有對於以歷十二宮而合之此所以標本  
不同氣應異象也今日中見者則于其本氣標氣之  
間合而有之故曰中見所以節宣本氣而標和氣  
也此氣為天地本來之元氣於其根自有之而本不  
相離所以自為節宣和以行其化育而為顯仁之  
厚也然而條理有自不妄合汎言之似莫有知其  
故者吾得推之凡三陽皆起於三陰三陰同為三陽  
之根也而各有異焉厥陰陰盡而生一陽於陽為少

而成。厥木之氣是少陽生於厥陰而合為一體也。太陰以濕土孕金而為陽明。雖為二陽而成燥金之用。是陽明生於太陰而合為一體也。太陽由於少陰本以秋金而生寒水。是太陽生於少陰而合為一體也。要陰陽之相隨以其氣之相次。故相貫而不離也。然其正對不同。參和又妙。不可不察也。少陽之上火氣治之。相火烈矣。厥陰純陰。此能上下濟也。陽明之上燥氣治之。燥亦亢矣。中見太陰土濕。固能生金。亦能治燥也。太陽之上寒氣治之。中見少陰金水。和調不使太陽亢也。而三陰又異焉者。厥陰之上風氣治之。

中見少陽其天和不使厥陰蒸也少陰之上熱氣治之此少陰奉天之君火者中見太陽君火為太陽之主不得有雜也然其間有寒水亦既濟之理也太陰之上濕氣治之中見陽明前以濕治燥今以燥勝溼也所謂本如是本中之參和節宣如此豈非顯諸仁哉諸用鼓萬物而不與聖人同憂乎

有寒者取足陽明之三里以補之。蓋經脈血氣陽明水穀之所生也。

瘰癧取之陰蹻。又三毛上及血絡出血。

此病足太陽之經而在下也。三焦下俞出于委陽。並太陽之正入絡胸臍。約下焦。實則閉塞。故亦取之陰蹻。蓋陰蹻與陽蹻相交于太陽之睛明。陽入于陰。陰出于陽。陽蹻乃足太陽之別。寫其陰蹻。則太陽之經邪從蹻脈而出矣。三毛足蹻陰之大敦。肝所生者也。為閉塞故及三毛之經。上有血絡者。以出其血。夫太陽之氣主于膚。

正六氣說

初氣厥陰風木大寒立春雨水驚蟄  
君火春分清明穀雨立夏三氣少陽相火小暑  
芒種夏至小暑四氣太陽濕土大暑立秋處暑  
白露五氣陽明燥金秋分寒露霜降立冬六  
氣太陽寒水小雪大雪冬至小寒各主六十日  
顯明之右君火之位也君火之右退行一步相火  
治之相火之右復行一步土氣治之復行一步金  
氣治之復行一步水氣治之復行一步木氣治之  
六氣內經無正文而於加臨明之見之本文者止有  
六節氣位一章發明司節之位而於六節之陰陽上  
下未之詳言後學每以六氣一氣呼之又不辨司天  
六元不同一概故著為說以詳之夫天氣之行於地  
既布之以五行分之以四時歷以日月之行而成歲

功此萬古不易所謂天地合氣也然而氣行其間每  
不得與日月朔望齊故古聖更以斗杓紀氣於十二  
宮而紀之以二十四以會周天乃復分統之以六氣  
凡六十日以分一氣首厥陰風木二少陰君火三少  
陽相火四太陰濕土五陽明燥金六太陽寒水滿三  
百六十日周而復始所謂四時之正也然其為氣上  
下不同標本各異初氣為厥陰風木氣起大寒大寒  
前後為二陰交盡之時故其時為厥陰風木起於此  
是謂一陽於卦為復然復在九地之下正當兩陰交  
盡之時是以上為厥陰下為風木故風木本陽而標

陰也二氣為少陰居火君火見於卯所謂顯明也其  
時為春分清明此三陽出地之盛也猶未改其為春  
乃不名之少陽而號之為少陰不仍風木而名之君  
火何居蓋此時三陽雖出地而其上仍三陰春寒猶  
厲是氣尚為陰之少故曰少陰然君火見於此者易  
所謂帝出乎震也帝主十二辰於時無所不統而必  
於此分時者前此一陽尚在九地之下而今歷顯明  
則聖作物覩是以首出之於此也其火主照臨不主  
熱物亦不奪春令故曰君火不用君火之右即為夏  
令為三氣少陽相火相火當巳午午為南離君位非



相火之所當唯君火不用故退行使相火當之所以  
使為夏官以供臣職故名相火明其無犯上之嫌也  
要此相火當六陽之盛正為太陽不曰太而曰少者  
以陽雖盛其在地上未亢未高故猶曰少陽也四氣  
為太陰濕土溼土在未坤也坤為太陰位在未上又  
當未月坤正臨事故以太陰名之然其時自大寒一  
陽生以及六陽為上半年乾之行事自夏至一陰生  
而至亥盡六陰為下半年坤之行事陽以順行陰以  
逆行故一陰之生不名一陰亦以其生由太陰坤德  
故即以太陰名之維時溽暑酷烈六陽極盛而總曰

太陰以陽已退職也。濕土於此不惟土潤溽暑更有妙義。南離火旺燥金安生。坤居其間以土合火而騰其濕氣則大雨時行。於時既不煖燬而得以禦火使金生而氣進。官旺與六陽代禪。非太陰之為而誰為耶。五氣為陽明燥金。陽明者以其時去溽蒸而清明退蒙昧而擎歛堅潔清肅。陽在上而方明。故曰陽明。金燥則金氣堅而且冽。是以為燥矣。六氣為太陽寒水。寒水於時為亥。全三陰矣。乃其上為太陽者。此時陽退而在上。為亢為高。在五陰之上。於卦為剝居頂而不用。事故以太陽名而納之寒水也。寒水本陰而

標陽者以此總之正六氣進氣居下退氣居上春夏  
陽自下升故厥陰少陰在上秋冬陰亦自下而上故  
陽明太陽在上在下者進氣在上者成功而退之氣  
標本之說於是可見矣此謂主氣司天所加爲客氣  
主客之分以此

地理六節位下六承論

相火之下水氣承之水位之下土氣承之土位之下風氣承之風位之下金氣承之金位之下火氣承之君火之下陰精承之帝曰何也岐伯曰亢則害承乃制制生則化外列盛衰害則敗象生化

此章王馬吳張諸家尋其說而不得以氣交之變釋之謂少陽火生終為溽暑不知此濕土四氣專氣之次豈承制之義蓋承制者皆元氣之所本有即其所生之理備有制化之道初非矯強挽回夫其陰陽動靜皆涵天地之元貞故其生物貴其專精尤忌其一往是以陰中有陽陽中有陰彼六位者雖為六氣

之分治實一陰陽之往復凡氣之發皆有互根相反而實相為用如易卦之飛伏飛下卽伏伏上卽飛故乾卦六陽其下皆坤坤卦六陰其下皆乾如是而後乃能一陰生一陽生也陰陽之精義本是如此吾于天道六氣中見故知地節六位亦有為之內者以為叅和夫其謂位之下卽所謂內也相火之下水氣承之者相火於節主四五月為六陽之亢若其專氣焦燠過甚則害氣稿物矣乃其時之水氣正盛於以助調相火故前為穀雨後及芒種皆水澤流溢之施也斯時使無以水濟火者何以當盛長之令乎茲則所

謂相火之下水氣承之者也。及夫水位則大雪冬至  
小寒之日矣。時之寒淫層冰慘裂而當時正為物之  
所歸藏。若此中無以濟令者。亢水敗氣何以回地中  
之陽。唯有土以歸藏水斯流注而源活。於是寒水能  
生一陽矣。豈非水位土承者乎。土之為位本生萬物  
而亢則有水火二室。亢于濕則水至而泥。亢於燥則  
火至而堅。斯其震發必藉東陽和柔風木之氣內居  
其間。然後發動疏達。故土之無敗風之居下也。風位  
春木於以甲拆條舒。然柔而搖蕩欲其長茂成堅則  
必有金氣以收柔性。是以榆莢之落見於春時。豈非

木位之下金氣承之者乎。金位兌說而神主。蓐收其  
專氣淒冽。苟其中無火氣之微布。則卽申酉而寒沍  
矣。乃其氣白露方涼。漸於寒露。暨於霜降。於時生物  
反多。至於成位。火猶有存者。此知金位之下有火乘  
也。至若君火則承者。不曰水氣而獨曰陰精。陰精者  
生氣之華也。地上三陰之全氣也。其火不主五月。無  
梅雨之令。故不曰水氣。當三月之和。地氣騰上之精  
全奉君令。以和養萬類。以宣君德。卽所以為春也要  
皆陰精所奉。莫薄於此。所以君火不用也。蓋亢者是  
專氣之一往。承者是相濟之參和。非以其相反而相

犯為制也。唯其內承相濟，故元氣足而生。生主屬於以化育。有以十全，所謂制生則化也。夫生無制，則化偏。能制則化備。非元氣之享本來自有之，和何以為化育之主乎？外列盛衰者，自此而外，任從加臨交變，有餘不足，至與未至，雖象除其間，外有此列，其本主之氣受之，不敗不亂。故曰：外列盛衰也。若本氣無承，其氣薄散中已一偏，而見敗亂，安得不為生化大病乎？



已可則刺不可遠取也。

論內因

論外因

此論不

內外因

此擊墮傷頭而為頭痛者不可取之俞也。夫有所擊墮惡血在于內。若肉傷痛未已。可則在此痛處而刺之。不可遠取之俞也。蓋言痛在頭而取之下者。乃在下之氣厥逆于上。經氣上下交通。若有所傷而痛者。非經氣之謂也。

此下論

感

二陽筋上

諸于頭

山轉筋

痛

頭痛不可刺者。大痺為惡。日作者。可令少愈。不可已。

此言大痺而為頭痛者。亦不可刺其俞也。大痺者。風寒客于皮膚而為痺也。日作者。當取之筋骨。可令少愈。如

辨君火以名兼退行一步不司氣化論

火性炎上次列五行之一初無君相之名唯主宰之  
帝必神明為居以照臨為用而同於炎上高明之施  
此君之所以取火為體也然君雖以火為體而火非  
君德故君火不用要其為不用者以君有君之德以  
為用而非以火用故君者於火用其明內經曰君火  
以明以明也欲其照臨之不炎也諸家循其不用見  
為徒立空名遂改其文曰君火以名豈知此義者哉  
地節六位章曰顯明之右君火之位也君火之右退  
行一步相火治之退行一步莫知其故此有說焉顯

明之者在卯辰之間辰為天門帝之明堂布政宣化之所易所謂出震齊巽者也帝從震出而物齊凡帝之施化其德為大生其用為太和其體為純乾備元亨利貞之四德以體元首出茲其德化政令悉與春溫同而特不與春之寅卯獨主一時故雖主氣於春分之一時而終不奪春之施此君之所以不用也况以火用乎然既不用矣而曰退行一步何也少陰君火之後繼此者巳午之火今使君以火用則復行一步巳午正當其令豈復有相火之令乎唯君不以火用而歛藏以退行於位前之寅因起長生之丙火使

主巳午夏令為夏官而治之故火令雖行君德自溫  
此相火所以欲其不愆於位而代君之行事也以下  
諸復行一步則皆臣職君不復退亦不復進自相火  
而下皆奉職效用於君而推遷以更迭主時耳蓋以  
一歲六氣四時必有見於總統四時之主而不可無  
君之臨每於寒暑則臨之於一歲四時之令令行不  
過終不可有君之亢而火之愆故于南離則禪之此  
君之始終不以火用也若天司天則君火既首出於  
甲子而該年則曰在天為熱化在地為苦化居氣為  
灼化此既司化矣而又曰不司氣化亦未有明其說

者豈知君雖居子實當于午所為熟化者午之化若  
化者亦午之化其他在午而不在君火總非君之司  
此氣化也君自穆清耳豈遽改其德而司熟令乎所  
以灼化者君德在步而不宣然威行自迥而不可犯  
故令居氣則有步逼之逼之既近安有不灼者耶然  
此要非君火之用也

## 五運說

天有五行以干加支合而成四時六氣以主時復有天氣以為主年者亦御五位以行五氣斯為五運五運以土為首而加甲終復加己循環十干而不用正干之本氣說者謂甲己合土此為化氣夫所謂化逢合乃化不逢合則不化今五運之加甲己相去五歲豈有逢合而化之理哉若以甲必賴己而化可斷之為土則甲己不主東方木而臨官於寅矣且己安能越五年而與甲化耶又曰本天氣定位非加臨也經曰丹天之氣經斗牛女戌分齡天之氣經於心尾己

分蒼天之氣經於危室柳鬼素天之氣經於亢氏昂  
畢玄天之氣經於張翼姜胃其戊巳分者則奎壁角  
軫也五天五行之守氣各有所橫以加於宿度臨於  
十干之上如齡氣於心尾巳分心尾當甲角軫當巳  
故土主甲巳也以下皆然此說最為近似而實不然  
天動而虛其氣圓運而不有定氣其臨御五行自有  
本然當然之則而初非有守氣以期之岐伯述之天  
元冊曰太虛寥廓肇基化元萬物資始五運終天布  
氣真靈總統坤元夫寥廓肇基化元而布氣真靈則  
云總統於坤元坤元既為萬生之母而總統之則天

亦必有以先用之故天之十干以戊己居中宮此所以布氣真靈化源資始總統於土也土先萬物為生氣之原而後次第布之初非以心尾已分之故也戊己既居中央而用水火後成於木金是非以土為首乎是以天之御化者以土加甲而甲遂為土仍順布五行於乙丙丁戊之上而以本氣化之遂以金加乙水加丙木加丁火加戊畢已又再傳而土加己金加庚水加辛木加壬火加癸然又有不能改乎陰陽而依之以為用者加陽干為氣有餘加陰干為氣不足未嘗不因值年以佐用也故五運為該年氣之根本



居其中而云先者如土運之歲上見太陰則其氣先而與司天會是謂天符與歲支同氣則先而與歲會是謂歲會與天符歲會三合是謂太乙天符斯為貴人者司天與值歲朝拱之所在也是以惡所不勝歸所同和隨運歸從而生其病可知五運之重更能增氣以其常先也是於司天又為主氣矣

司天在泉說

天有六元寒暑燥澤風火卽四時之主氣候至而布之以分六氣者也至於司天則從地上六位之專精而正對以居之以主期年然而名之為司天者依於甲子值歲之氣仍以地上不遷之氣會天之元而立為監司之也其為六氣一以甲子為序異於地上之四時蓋既以主持一歲則自當以甲子值年為序也其三陰三陽上奉之者六元在天則三陰三陽不有主氣所以正對皆奉之也首少陰居火者君火位午對子今甲始子與君為對遂名君火尊君之出令也

其令主熱不與顯明卯位之君火不同用彼以方春  
行令君火止以照臨此在午宮所對本夏行令也次  
丑未為太陰濕土太陰在地每與厥陰少陰合三陰  
而不離故其位必次少陰又坤土位未對丑為土之  
官旺是以上表濕令也所由居四時相火之前謂該  
年子丑之次耳又次寅申為少陽相火火之精本生  
於寅而對申申尚有餘暑故以寅申為火令不當午  
者午當君火不敢侵也又次卯酉為陽明燥金金臨  
旺于酉對卯故表燥令也又次辰戌為太陽寒水寒  
水本位亥子而亥屬風木子為午對惟辰為水庫戌

當水冠帶為進氣故即以辰戌奉寒令非聖人不能  
發此精義也然巳亥為厥陰風木風木在正六氣在  
子丑及寅司天移位巳亥所以然者木長生在亥其  
對巳故即以此表風令也然其所司以為一歲之令  
唯六元主之三陰三陽不能盡合一唯上從而奉之  
然帶有本位本氣故亦有本標太過不及之說經曰  
少陰所謂標也厥陰所謂終也是矣乃其所司即有  
在泉之說在泉之說以天包地下地在天中是地居  
天之半而天氣之行於地者亦半行於地上一半抑  
於地下在前三氣行於地上故屬司天後之三氣抑

於地下故屬在泉在泉之氣沉而不上故前揚後抑  
前宣後鬱故恒與司天為對司天子午則在泉卯酉  
司天丑未則在泉辰戌司天寅申則在泉巳亥恒相  
對而輪轉之故有在天在泉之異也乃司天極於三  
氣以天施之至也在泉居於六氣以地沉之至也然  
總以司天為本終一歲之氣在泉亦能與天合德故  
本文不設在泉之歲以司天統之矣

地上三陰三陽說

司天以地上三陰三陽奉天六元然上下不類而奉之未解何義又不解地上三陰三陽何以定位內經未之發明乃其義吾得論之予前旣明六元之著盛於三陰三陽之定位矣此六元之正義也乃於其對亦必三陰三陽奉之豈三陰三陽未有定義定位乎夫天地之大氣涵於宇宙大概藏於北生於東長於南收於西而三陰三陽之定位則三陰在北三陽在東三陰在南三陽在西在易東北俱為陽方而此北陰東陽西南俱為陰方而此南陰西陽此屬何故要

此卽兩儀四象之義所謂天以陽生陰長地以陽殺陰藏者也蓋氣必先藏而後生北乃藏位靜陰之地嚴沍之鄉凡藏必極陰之深故三陰必先真位於亥子丑所以為藏而且太少厥皆聚所以全乎陰亦以全乎藏也此地之用也藏而後生生必於東故三陽正位於東為寅卯辰位所以少明太聚者亦所以全乎陽而為生也然而南離陽位君火居之而總為三陰何謂蓋巳午未皆長氣也既以生矣斯盛斯長長者實氣也陰也非陰無以實長故三陰亦聚於南非所謂天以陽生陰長者耶西為蓐收正位燥金居之

故西為陰方為成、為收而三陽又居之何故然藏物必自下、收物必自上、生物必自下、殺物必自上、且自暑而涼、自秀而實、皆自上而下者、上者陽也、爾其肅殺者陽也、申酉戌位肅殺皆秉陽、以殺物故三陽亦聚焉、此其為陽豈非所謂地以陽殺陰藏者耶、抑豈以與東為對化而為陽者哉、蓋天之二氣分為四象、北為陰、西為陰、中陽、此地之二象、東為陽、南為陽、中陰、此天之二象、而生長收藏之理備著於此矣。



復大會。不出三年死者。不遇盡水火陰陽之數周而終也。此篇論厥逆爲病。有經氣五藏陰陽邪正之分。

病本第二十五

先病而後逆者治其本。先逆而後病者治其本。先寒而後生病者治其本。先病而後生寒者治其本。先熱而後生病者治其本。

此承前數章之義。分別標本外內先後之治法。爲先逆先寒先熱者。先病天之六氣也。先病者。先病人之經氣也。先病而後逆者。人之形證。先病而後致氣之厥逆故

天道或問五則

或有問于余曰五行各有正氣天地所合干支所同而陰陽之用各有變遷又參錯不同何也曰此正所謂三合之治也三合而治必將合氣以為主用或從本氣或從標氣或從乎其盛或由乎其化雖有不同然皆取用以崇體不以體變物也如五運以土為首加甲自甲為土以下皆不用干矣而甲丙戊庚壬五陽值年仍為氣太過乙辛巳丁癸五陰值年為氣不及其干雖變而陰陽不變則非不用干也司天亦變支矣而火當午土當丑未金當酉與歲為會則當其

位與合其氣皆不變本位亦不廢本主也大約陰陽之用合兩為成以三為用故陰陽之行雖一體而動而變各由其道各由其道者所以正陰陽之正用也故有變本氣本位而為用者皆一從正五行之用非有別氣別用也唯過其盛與其合則從重而歸之未嘗不歸本用也一切三合變氣皆如此知其用則不疑其變矣

問曰司天運氣合用而有天符歲會乃有小五運復參於司天在泉運氣之間則又何也曰五行三合之治無往而不用又無往而不三合也如辰戌太陽司

天矣而辰戌備歷甲庚戌丙壬之五位則五運亦盡  
歷寒水之一位矣寒水唯一而有五變五變之中而  
所運行以周一歲者亦各有五運亦猶司天之間位  
紀步也既以大五運與司天為乘臨則亦有小五運  
與間步為乘臨此亦陰陽自然之道也歲氣必以木  
為主故以太少角為初以太少羽為終以五運生序  
不可紊也然其用微不及間步之劇故經不著病要  
使人知之耳

問曰五行五用而各為首六氣首風木司天首火五  
運首土五行本生首水其成首金循環而能為首者

豈有美乎曰此陰陽造化之妙用不可思議者也繇其初而言生物之始生於天一天一水也水得煖而升故火繼之水火鼓盪而形成故木繼之木長而堅故金繼之四者非土不成故成必以土也洪範之序如此蓋生物之原也此則首水而終土也若四時六氣必以歲德為首歲德在木故木起厥陰而臨官於寅所以達生氣通人事也自木而火自火而土而金止於水四時之序生長化收藏之事也此則首木而終水也五運之首土者天之氣自中而運而戊巳居中且生萬物養萬物者非土莫能中也故即此中宮

而推之以四正環而拱之以行其生生之用此在天  
之事也唯土常以生故首之而終於火以成生也若  
司天以火為首少陰君火有帝之尊於以出治孰不  
歸仰焉然唯斗杓初指帝乃臨之斯故以火為首而  
以厥陰為終非以木為終蓋以三陰為朋今少陰居  
中而既在前則必俟歷三陽而厥陰為後矣厥陰位  
亥亦終之義也此則首火而終木也繇其成功而言  
金木者生成之終始也顯萬類之成而列萬形之質  
此不惟其始而惟其終故必見其堅成而後木水火  
土四形備具也此成物而後其亨如此以其致用言

之也此則首金而終土也

問曰四時陰陽順逆之行有左右之辨何也陽自下而上故左旋而為春夏陰自上而下故右旋而為秋冬是以春為生氣而西行變其收氣而為暄夏為長氣而北行變其藏氣而為熱秋為收氣而東行歛其生氣而為涼冬為藏氣南行變其長化而為寒夏為南離故夏氣始於前秋氣自上而下故云始於標冬氣自外而內故云始於後西北行為順東南行為逆春夏日經北陸而長秋冬日漸南陸而短亦陰陽順逆之序也

問曰經謂陰中有陽陽中有陰何也曰陰陽本合一者也自太極動而生陽靜而生陰既立之兩始分爲對待此各一之一人所知也起動靜爲鼓舞以陰陽爲妙用無形而致有形同體而立異體陰陽合作兩鼓化機此合一之一人所難知也此易所謂一陰一陽之謂道也然本其太始而言陰陽之原由於一機靜極而陽生動極而陰生陰陽互相生也本其成位而言陰陽之根互藏其宅火胎子中水胎午中陰陽互相宅也人能悟陰陽之一氣則知陰陽之未兩分也





梁川孫石世